

## প্রথম আলো বন্ধুসভা আয়োজিত শামসুর রাহমান স্মরণ সন্ধ্যা -আদনান সৈয়দ

গত ২০ আগষ্ট, নিউইয়র্কের জ্যাকসন হাইটস্‌এ প্রথম আলো বন্ধুসভা আয়োজিত প্রয়াত কবি শামসুর রাহমানের উপর এক স্মরণ সন্ধ্যা আনুষ্ঠিত হয়। কবি শহীদ কাদরী, রবিন্দ্র গবেষক হায়াত মামুদ, সাহিত্যিক জ্যোতিপ্রকাশ দত্ত, লেখক হাসান ফেরদৌস সহ নিউইয়র্কের অন্যান্য গণ্যমান্য ব্যক্তিবর্গের উপস্থিতিতে অনুষ্ঠানটি নিমিষেই প্রাণবন্ত হয়ে উঠে। অনুষ্ঠানের শুরুতেই স্বাগতিক বক্তব্য রাখেন আদনান সৈয়দ। অনুষ্ঠানটি পরিচালনা করেন বেলাল বেগ।

বিশিষ্ট সাংবাদিক, লেখক মনজুর আহমেদ তাঁর এক সময়ের সহ কর্মী শামসুর রাহমানের উপর আলোচনা করতে যেয়ে কবির জীবনের নানা দিক তিনি তুলে ধরেন।

ভয়েস অব আমেরিকার জাকিয়া খান শামসুর রাহমানের উপর আলোচনা করতে যেয়ে বলেন, "তাঁর সৌন্দর্য এবং আভিজাত্য বোধ ছিল প্রবল।"

নিউইয়র্ক থেকে প্রথম প্রকাশিত সাপ্তাহিক প্রবাসীর প্রথম সম্পাদক, সর্বজন শ্রদ্ধেয় জনাব সৈয়দ মোহাম্মদ উল্লাহ্ কবি শামসুর রাহমান উপর স্মৃতি মন্তব্য করতে যেয়ে তাঁর সম্পাদনায় প্রকাশিত সাপ্তাহিক প্রবাসীর উদ্যোগে কবি শামসুর রাহমানের উপর বিশেষ সংখ্যাটি বেড় করার স্মৃতিটি সবার সামনে তুলে ধরেন। তিনি বলেন, "কবি শামসুর রাহমান বাংলাদেশের মানুষের ভালোবাসা পেয়েছেন এটাইতো অনেক বড় কথা। বাংলাদেশ তাকে রাষ্ট্রীয় মর্যাদায় দাফন করল কী করলো না তাতে কবির কিছুই আসে যায় না।"

বিশিষ্ট সাহিত্যিক জ্যোতিপ্রকাশ দত্ত কবি শামসুর রাহমানের উপর দীর্ঘ বক্তব্য রাখেন। শামসুর রাহমানের সাথে তার ব্যক্তি জীবনের নানা রকম বর্ণিল স্মৃতি তিনি উপস্থিত শ্রোতাদের সামনে বর্ণনা করেন।

বিশিষ্ট লেখক, রবিন্দ্র গবেষক জনাব হায়াত মামুদ কবি শামসুর রাহমানের কর্ম ও জীবনের উপর দীর্ঘ আলোচনা করেন। তিনি বলেন, "শামসুর রাহমান বাংলাদেশের একজন খুবই বড় এবং অসাম্প্রদায়িক কবি।"

নিউইয়র্কে দীর্ঘদিন যাবত স্বেচ্ছা নির্বাসিত বাংলাদেশের আরেক কবি শহীদ কাদরী তাঁর বন্ধু, সহযোদ্ধা শামসুর রাহমানের উপর এক দীর্ঘ আবেগপ্রবন বক্তব্য

রাখেন। তিনি বলেন, ” শামসুর রাহমানের প্রয়ানের শোক আমি এখনও কাটিয়ে উঠতে পারিনি। আমার সোভাগ্য যে শামসুর রাহমান কে আমি খুব কাছ থেকে দেখতে পেয়েছিলাম।” কবি শহীদ কাদরী বলেন, ” ১৯৪৭ সালের পর শামসুর রাহমান বাংলাদেশের সবচেয়ে বড় ফসল।” আবেগ আপ্লুত হয়ে কবি বলেন, ” যা কিছু মহত, সুন্দর, অসাম্প্রদায়িক তার সাথেই শামসুর রাহমানের নাম জড়িয়ে থাকবে।”

কবি শামসুর রাহমানের উপর স্বরচিত কবিতা পাঠ করেন আদনান সৈয়দ এবং সুড়ীত বড়ুয়া। শামসুর রাহমানের কবিতা থেকে পাঠ করেন কবি ফকির ইলিয়াস, রিটন মাহমুদ খান, রেখা আহমেদ, রাণু ফেরদৌস, শাহীন খান এবং মিনহাজ আহমদ।

অনুষ্ঠানের শেষ দিকে বিশিষ্ট চলচ্চিত্রকার এনায়েত করিম বাবুল প্রয়াত কবি শামসুর রাহমানের উপর তার নির্মিত একটি প্রামাণ্য চিত্র প্রদর্শন করেন। কবি শামসুর রাহমানের উপর আয়োজিত এই স্মরণ সভায় আরো যাঁরা উপস্থিত ছিলেন তাঁরা হলেন রিটন মাহমুদ খান, সাবিনা ইয়াসমিন, হায়দার আলী, সউদ চৌধুরী, সাদমানী সালাম, আনোয়ার আহমেদ খান, প্রতীপ দশগুপ্ত, আকবর হায়দার কিরন, হাসান ফেরদৌস, ঝর্ণা চৌধুরী, বিনায়ক সেন, আনোয়ার শাহাদাত, শামস আল মমীন, মিথুন আহমেদ, মাহফুজ আহমেদ, রিমন ইসলাম, তাপস এবং আরো অনেকে।